



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ბებიაშვილი შოთა ლეონტის ძე

ბებიაშვილი შოთა ლეონტის ძე [17. VI (30. VI). 1914, ხაშური, – 18. III. 1993, თბილისი], მეცნიერი რადიოტექნიკის დარგში. ტექ. მეცნ. დოქტორი (1964), პროფესორი (1970), საქართვე. მეცნ. და ტექ. დამს. მოღვაწე (1980), სსრკ დამს. რადისტის (1960).

II მსოფლიო ომის მონაწილე. 1938 დაამთავრა თბილ. კავშირგაბმ. ელექტროტექ. ინ-ტი. 1946 – 93 პედ. მუშაობას ეწეოდა თსუ-ში (1948-იდან რადიოტექნიკის კათედრის გამგე). იყო რთულ ტექ. სისტემათა საიმედოობის თეორიის სპეციალისტი და დარეგულირების ზოგადი თეორიის ერთ-ერთი ფუძემდებელი. მისი ძირითადი შრომები ეხება მოდულაციის თეორიისა და რთულ სისტემათა საიმედოობის ზოგადი თეორიის პრობლემებს.

ბ. იყო თვითნასწავლი მხატვარი. 1948-იდან რეგულარულად მონაწილეობდა თვითნასწავლ მხატვართა ნამუშევრების ყოველწლიურ გამოფენაზე (ამ გამოფენების ლაურეატი).

მიღებული აქვს სახელმწ., მ. შ. საბრძოლო ჯილდოები.

*თხზ.*: საიმედოობის თეორიის საფუძვლები, თბ., 1969; რადიოტექნიკის საფუძვლები, წგ. 1, თბ., 1981.

---